

Wurkgelegenheids- enkête

Ljouwert, maaie 2023

Oan bedriuwen en ynstellingen yn Fryslân

Bygeand ûntfange jo de jierlikse Provinsjale Wurkgelegenheidsenkête. De enkête wurdt nei in grut part fan de Fryske bedriuwen en ynstellingen ferstjoerd. Sa sammelje wy ynformaasje dy't ûnmisber is foar it ekonomysk belied fan provinsje, regio's en gemeenten. Ynsjoch yn de ûntwikkelingen fan bedriuwen en banen is nedich om in byld fan de ekonomyske situaasje foarmje te kinnen.

Utkomst út it ûndersyk fan ferline jier lit sjen dat op 1 april 2022 de wurkgelegenheid yn Fryslân 2,6% heger wie as op 1 april 2021. De provinsje telde net earder safolle wurkgelegenheid. De sektoaren soarch, saaklike tsjinstferliening, hannel en hoareka telden yn 2022 goed tûzen banen mear as yn 2021. Relatyf naam it tal banen yn de hoareka (7,5%), de ICT-sektor (5,3%) en bou (4,9%) it sterkst ta. De banegroei yn de hoareka makket dat dy wer op itselde nivo is as foar koroana.

Om de ûntwikkeling fan de wurkgelegenheid yn Fryslân folgje te kinnen freegje wy jo freonlik om ek fan 't jier ús wurkgelegenheidsenkête yn te foljen. It ynfoljen fan de fragelist freget mar inkele minuten; wy stelle jo mar in pear koarte fragen oer it tal meiwurkers yn jo bedriuw. Binne jo zzp'er, freelancer, oefenje jo in frij berop út, ek dan freegje wy jo dizze enkête yn te foljen.

Sifers oer de Fryske wurkgelegenheid fine jo yn ús digitale databank. Te finen op www.fryslan.frl/cijfers-kaarten.

Jo kinne de fragelist ek digitaal ynfolje op www.startvragenlijst.nl/fryslan. Jo ynlochgegevens fine jo op 'e enkête. Jo kinne dan ek oanjaan dat jo de fragelist tenei mei de mail ûntfange wolle.



Mei freonlike groetnis,

Drs. A.A.M. Brok
Kommissaris fan de Kening
yn de provinsje Fryslân

Wurkgelegenheidsûntwikkeling Provinsje Fryslân 2021-2022

Totaal tal banen op 1 april

	2021	2022	Groei 2021-2022 abs.	Groei 2021-2022 Fryslân in %
Lânbou en fiskerij	14.600	14.525	-75	-0,5
Yndustry en grûnstoffewinning	38.390	38.845	455	1,2
Nutsbedriuwen	2.210	2.310	100	4,5
Bou	20.030	21.015	985	4,9
Hannel en reparasje	51.105	52.240	1.135	2,2
Ferfier en opslach	12.225	12.275	50	0,4
Hoareka	14.105	15.165	1.060	7,5
Ynformaasje en kommunikaasje	5.400	5.685	285	5,3
Finansjele ynstellingen	6.750	6.645	-105	-1,6
Saaklike tsjinstferliening	37.095	38.395	1.300	3,5
Iepenbier bestjoer en oerheid	14.485	14.640	155	1,1
Underwiis	21.245	22.060	815	3,8
Sûnens- en wolwêzenssoarch	58.550	60.040	1.490	2,5
Kultuer, sport en rekreasje	6.540	6.825	285	4,4
Oare tsjinstferliening	6.895	7.150	255	3,7
Totaal	309.625	317.810	8.185	2,6

Wurkgelegenheidsregister Fryslân | It wurkgelegenheidsregister (WGR) Fryslân registrearret sûnt 1978 de wurkgelegenheid by bedriuwen en ynstellingen yn Fryslân troch de wei fan in enkête dy't alle jierren wer hâlden wurdt.

Doel fan it WGR | Doel fan it wurkgelegenheidsregister Fryslân is om aktuele, betroubere en detaillearre basisynformaasje oer de wurkgelegenheid fan alle bedriuwen en ynstellingen yn de provinsje Fryslân te krijen.

Foar wa is it WGR bedoeld? | De gegevens binne bedoeld as basis foar it sosjaal-ekonomysk en romtlik belied fan provinsje en gemeenten yn Fryslân. Dêrneist wurde de gegevens brûkt om it arbeidsmerk- en ynvestearingsbelied te stypjen. Ek wurde de wurkgelegenheidssifers brûkt foar ûndersyk en yn publikaasjes op sosjaal-ekonomysk terrein.

Online enkête | It is mooglik de enkête digitaal yn te foljen. Wannear't jo ferline jier fan dy mooglikheid gebrûk makke hawwe, dan hawwe jo fan 't jier in útnûging fia de mail hân. Hawwe jo in papieren enkête krige dan kinne jo de enkête no noch online ynfolje op www.startvragenlijst.nl/fryslan. Jo ynlochgegevens fine jo op de enkête.

Registrearre ynformaasje en faak stelde fragen | Yn it Wurkgelegenheidsregister wurde opslein: namme organi-

saasje, fêstigingsadres, bedriuwsumskriuwing en tal wurknimmers. Dêrmei kin antwurd jûn wurde op faak stelde fragen lykas:

- Wat is de wurkgelegenheidsûntwikkeling yn de ûnderskate sektoaren oer de ôfrûne jierren?
- Hoe stiet it mei it tal banen op bedriuweterreinen en kantoarlokaasjes?
- Hoe hat de R&T sektor him nei gemeente sûnt 2000 ûntwikkele?
- Yn hokker gemeenten binne de soarch- en wolwêzensynstellingen sterk fertsjintwurdige?
- Hoe is de wurkgelegenheidsûntwikkeling yn de ûnderskate gemeenten of de streekregio's?

Wurde de gegevens allinne yn de provinsje Fryslân sammele?

Yn Nederlân binne mei-inoar 21 provinsjale en op de regio rjochte registers aktyf. Sy binne ferienige yn de stichting LISA. LISA bondelet de útkomsten ta lanlike sifers. Ynformaasje is te finen op www.lisa.nl of te krijen fia de LISA Projectorganisatie, postbus 597, 7500 AN, Enschede, telefoan 053 – 4825080, e-mail info@lisa.nl.

It WGR Fryslân stiet registrearre by it College Bescherming Persoonsgegevens ûnder nûmer 1157596.

Ynformaasje

Ynformaasje wurkgelegenheidsenkête/
wurkgelegenheidssifers

WGR Fryslân, Antwurdnûmer 3269, 8900 VC Ljouwert,
telefoan 058-292 5925, e-mail: wgr@fryslan.nl